



**JUNTA DEL VALLE DE AEZKOA
AEZKOAKO BATZARRE NAGUSIA**

31671 ARIBE (Navarra) • CIF: P3175000C
Tel: 948 76 43 75
junta@aezkoa.net
valledeaezkoa@gmail.com
www.aezkoa.org

Ariben, 2024ko ekainaren 11n, eguerdiko hamabi eta erdietan, Aezkoako Batzarre Nagusiak bilkura arrunta egin du, lehenengo deialdian, legez deituta, haren presidente titularrak zuzenduta eta jarraian adierazten diren kideak bertan zirela, eguneko honako gai hauek aztertzeko:

BILDUTAKOAK

Batzarreburu jauna: Karlos Bueno Reka

Batzarrekide jaun/anderak: Anchorena Laurenz, Francisco Javier - Galarza Larrayoz, María Carmen – Merino Iriarte, Juan Esteban – Zabalza Barberena, Izaskun.

LEHENENGOA.- AURREKO BILKURAREN AKTA ONESTEA.

Onartzeke gelditu da aurreko ilkuraren akta, PSTD. 2 proiektuekin lotutako puntuen erredakzioa berrikusi eta azken idazketa egin arte.

BIGARRENA.- IRUZURRAREN AURKAKO BATZORDEA IZENDATZEA

2023an, Batzarre Nagusiak erakundearen Iruzuraren aurkako Plana onartu zuen, Aezkoako Batzarre Nagusiaren eremuan Berreskuratze, Eraldaketa eta Erresilientzia Planaren esparruan garatutako azpiproiektuei eta jardueri lotutako barneko nahiz kanpoko iruzurraren agerpena murrizteko, esleituta dituen iruzurraren arloko eskumenak – administratiboak soilik – kontuan hartuta, beti ere. Plan hori onartu zen, baina Iruzuraren aurkako Batzordea izendatu gabe gelditu zen. Diziiplina anitzeko kidek osatutako organoa da, Next Generation EB funtsen kudeaketan eta/edo gauzatzean inplikaturako unitate, departamentu, zerbitzu edo arloetako kideek osatututakoa.

Aurrekoa ikusita, Osoko Bilkurak erabaki du Aezkoako Batzarre Nagusiko burua izanen dela Iruzuraren aurkako Batzordearen edo Komitearen buru ere, eta Batzarre Nagusiko Idazkaritzari atxikitako langileek parte hartuko dutela, hots, erakunde horretako idazkariak eta administrari laguntzaileak.

HIRUGARRENA.- KULTUR OLAKO TABERNA-JATETXEAREN KUDEAKETAREN ESLEIPENA

Kultur Olako taberna-jatetxearen kudeaketa esleitzeko lizitazio espedientea amaituta, eskaintza bakarra aurkeztu zuen Gómez Sanz Iraide eta Lorea Loperena Iker sozietate irregularrak, lizitazio-plataforman jasota dagoen bezala. Kontratazio Mahaiak dagozkion balorazioak egin ondoren, kontratua sozietateari esleitzea proposatu dio Batzarre Nagusiarri. Horretarako, esleipenerako proposaturako enpresari dagokion dokumentazioa aurkezteko

errekerimendua bidali zion enpresa lizitatuazileari, eta dokumentazio hori dagoeneko aurkeztu da.

Lortutako puntuazioa, laburbilduz, 87,50 puntukoa da. Aurkeztutako eskaintza ekonomikoa eta ezarritako lizitazio-prezioa berdinak dira, hau da, 2.500,00 € urtean. Hona hemen puntuazioaren banakapena:

| | |
|-------------------------|--------------|
| - Eskaintza teknikoa: | 32,50 |
| - Eskaintza ekonomikoa: | 40,00 |
| - Gizarte irizpideak: | 5,00 |
| Puntuak, guztira: | 87,50 puntu. |

Aurrekoa ikusita, Osoko Bilkurak erabaki du Gómez Sanz Iraide eta Loperena Lorea Iker sozietate irregularrari esleitzea Kultur Olako taberna-jatetxearen kudeaketa, eskainitako bi mila eta bostehun euroko zenbatekoan eta kontratazioa arautzen duten gainerako baldintzei eta aurkeztutako eskaintzari lotuta.

LAUGARRENA.- AUZI-ADMINISTRAZIO HELEGITEA, AEZKOAKO BATZARRE NAGUSIAREN AURKAKOA, ONDARE ERANTZUKIZUNA DELA ETA.

Auzi-errekurtsoa jarri da, 135/2024 prozedura administrazioaren barnean, MA. Jiménez Ibiricu andrearen heriotzagatik Aezkoako Batzarre Nagusian izapidetutako erantzukizun-erreklamazioa administrazio-isiltasunez ezetsi izanaren aurka. Administrazioarekiko Auzien Salaren (41/2024) autoa jaso da. Auto horren bidez, errekurtsoa ez dela onartzen adierazten da, horretarako eskumenik ez duelako. Organo eskuduna Iruñeko Administrazioarekiko Auzien Epaitegia da, txandaren arabera dagokiona hain zuzen ere. Bi alderdiek Iruñeko Epaitegi Dekanoan agertu behar dute, hamar eguneko epean, beren uziei eusteko. Ohartarazten zaie, halaber, epe horretan epaitegira agertzen ez badira, dagozkien ondorio-kalteak jasanen dituztela.

Jasotako jakinarazpena ikusita, Aezkoa ibarreko Batzar Nagusiaren Osoko Bilkurak honakoa ERABAKI DU:

1.- Epaitegi dekanon pertsonatzea, Aezkoako Ibarreko Batzarre Nagusiaren aurka ondare-erantzukizuna eskatzeko 2022ko abenduaren 29an aurkeztutako erreklamazioa isiltasunez ezetsi izanaren aurka jarritako administrazioarekiko auzi-errekurtsoan.

2.- Gaiaren ordezkari eta zuzendaritza Joseba Compains Silva eta Marcos Erro Martínez letradu jaunei ematea.

BOSGARRENA.- OILAGORREN TXARTELAK 2024-2025

Batzarre Nagusiaren Osoko Bilkurak erabaki du 2024-2025 denboraldirako oilagorren ehiza errentan ematea, banakako txartelen sistemaren bidez. Ehiza Antolatzekeo Planean baimendutako kupo osotik (21 txartel) saltzeko 19 txartel iragarri dira. Txartel bakoitzaren prezioa zazpiehun eurokoa da (gehi BEZa). Iragarri hori Nafarroako Aldizkari Ofizialera igorriko da, iragarria argitaratu, eta hogeitau egun balioduneko epea emanen da eskaerak aurkezteko.

Txartelak esleitzeko, aurreko kanpainarako zehaztutako puntuazio hurrenkerari jarraituko zaio. Sistema hori egin ondoren txartel hutsak geratzen badira, ondoren eskatzen dituztenei esleituko zaizkie, eskaera ordenari jarraikiz. Indarrean diraute aurreko denboraldirako ezarritako gainerako baldintzek.

SEIGARRENA.- GOIARGI ETA LURARGI KOMUNITATEETARA ATXIKITZEA

Aezkoan sustatu diren bi energia-komunitateri Batzarre Nagusia atxikitzeke proposamena aurkeztu da. Alde batetik, Orbaizetako Lurargi Kontsumitzaileen eta Erabiltzaileen Kooperatiba Elkarteak, eta, bestetik, Goiargi Gizarte Ekimeneko Kooperatiba Sozietateak, helbidea Abaurregainan duena. Azken horrek Batzarren Nagusi honi helarazi dio bazkide laguntzaile gisa parte hartzeke gonbidapena.

Osoko Bilkurak, gaia aztertu ondoren, honako hau erabaki du:

1- Goiargi kooperatiban bazkide laguntzaile gisa parte hartzea. Kooperatibaren helburua da energia-trantsizio iraunkorra bultzatzea, karbono-aztarna murrizteko. Erakunde kontsumitzailea ez denez, urteko kuota ordaintzetik salbuetsita dago. Kapital sozialari hirurogei euro eman behar zaizkio, bazkide laguntzaile gisa. Erabaki hori Kontseilu Errektoreari jakinaraziko zaio, kooperatiban sartzeko eskaera izapidetu dezan.

2- Lurargi kontsumitzaile eta erabiltzaileen kooperatiban bazkide gisa parte hartzea, eta kapital sozialarentzat hirurogei euroko ekarpena egitea, aurreko kasuan bezala. Kasu honetan, berriz, Batzarre Nagusia kontsumitzailea eta erabiltzailea da.

ZAPIGARRENA.- DIRULAGUNTZA ESKARIAK: ABELTZAINZA AZPIEGITURAK, PIRINIOETAKO PLANAREN JARDUKETAK ETA TURISMO INFORMAZIOA EMATEKO GUNEA HOBETZEA.

Dirulaguntzen deialdi hauen berri eman da:

1.- Abeltzaintzako azpiegiturak hobetzeko dirulaguntzak: ibarreko abeltzainekin hitz egin zen bezala, ur-puntuak hobetzeko proiektu bat egin da, Eskandako iturburuaren hartunea hobetzeko, antzinako aska kentzeko eta beste bat altzairu herdoilgaitzez jartzeko (Eskandako parajeen ere). Proiektu honen zenbatekoa, 2024an eginen da, hamahiru mila ehun eta hiru euro eta hirurogeita bost zentimokoa da (13.103,65 €), laguntza teknikoa barne, eskatutako dirulaguntza lortuz gero.

2.- Pirinioetako Planari lotutako ekintzetarako toki erakundeentzako dirulaguntzak. Ekintza indibidualaren modalitatean aurkeztuko da Aezkoako Herri Lurrak eskualdatzeko eta haren balioa nabarmentzeko prozesu parte-hartzailea, bailara osatzen duten eta bailararen garapen sozial, ekonomiko eta lokalean eragiten duten elementu sozial, historiko eta ondarezkoei bidez. Proiektu hori bera aurkeztu zen hasieran batean parte hartzeke dirulaguntzen deialdira, baina finantzaketarik gabe geratu zen, aurrekonturik ez zegoelako. Aurrekontua 10.527,00 eurokoa da (BEZa barne).

Lankidetzako modalitatean, Arrazolako harrera eremuaren azken egokitzapenerako beharrezko inbertsioak jasoko dituen proiektu bat egiteko eskaera bat aurkeztea aurreikusi da, Orbaizetako Udalarekin batera egiteko.

3.- Informazio-guneak hobetzea

Kontsulta bat egin da laguntza deialdiaren barruan harrera gunean hobekuntzak egin daitezkeen ikusteko, eta ez soilik informazio gunean. Erantzuna ezezkoa izan da, hobekuntzak informazio etxolan bakarrik egin beharko lirateke, eta, beraz, aurreikusitako jarduketak, deialdia ateratzen bada, Pirinioetako planari lotutako inbertsioak diruz laguntzen dituen deialdian sartu beharko dira.

4.- Toki-erakundeentzako dirulaguntzak, autokarabanen, iragaitzako karabanen eta antzekoen turismo ibiltariko gaua igarotzeko eremuak ezartzeko. Autokarabanak. Dagoeneko harremanetan jarri gara autokarabanentzako zerbitzuen arloko proiektua egin zuen teknikariarekin, autokarabanentzako gaua igarotzeko eremuen erregulazio berria egin-eta, espazioa legedira egokitzeko beharrezkoak diren aldaketa guztiak jaso ahal izateko.

ZORTZIGARRENA.- TURISMO INFORMAZIO ZERBITZUKO LANGILEEN KONTRATAZIO-ALDIAK.

Zerbitzu desberdinetarako langileen kontratazio-aldiak berrikusi dira, informazio lanpostuetarako deialdia antolatuzko. Lehenik eta behin, Kultur Olan bigarren informazio lanposturako dei egingen zaie hautagaiei, izangaien puntuazioaren hurrenkerari jarraikiz. Eskainitako epea ekainaren 17tik abenduaren 16ra bitartekoa izanen da, sei hilabete, zerbitzua indartzeko eta irekitzeko ordutegiak mantendu ahal izateko.

Aribeko informazio-gunea uztailearen 15etik aurrera irekitzea aurreikusten da; beraz, hurrengo deialdia izanen da, eta horren kontratuak azaroaren 4ra arteko iraupena izanen du.

Gainerako langileak, beharrezkoa izanez gero, Arrazolako zerbitzua indartzeko izango lirateke, eta abuztuan kontratuak egiteko ahala aurreikusi da.

BEDERATZIGARRENA.- ZENBAIT

- Lankidetzako hitzarmena, Irati-Orreaga elkartearekin

Irati-Orreaga Landa Turismoko Elkarteak aurkeztutako proposamenaren berri eman da, Batzarre Nagusiak hitzarmen bat sina dezan, hasiera batean urtebeteko iraupena izanen duena. Hitzarmen horren bidez konpromisoa hartuko da Aezkoako biztanle bakoitzeko 1,5 euro finantzatzeko, eta, horren truke, elkarteak turismo-estrategiak diseinatuko ditu, turismo, ostalaritza, merkataritza eta tokiko produktuei buruzko aholkularitza emanen du, bai eta turismo-produktuak eta jarduera horri lotutako jarduerak sustatu ere.

Oraingoz, hitzarmenaren lehen zirriborroa dago, eta ibarreko udalen atxikimendua ezagutzea falta da, biztanleen arabera kopuru bera finantzatzeko luketelako.

- Garbiketa langilea

Aezkoako etxea garbitzeko pertsona bat hautatu dela jakinarazi da, aurretik kontratatutakoak erretiroa hartu duelako. Hautatutako pertsona I. Moreno izan da, ekainaren 13an lanpostuan hasiko dena. Euskararen balorazioari dagokionez, jakinarazi da plantilla organikoan ezarritakoa aplikatu dela, hau da, merezimendu gisa baloratu dela.

- Auñamendi Mankomunitatea

Jakinarazi da komunikazio bat jaso dela Mankomunitate honetako toki-erakundeetako idazkariekin bilera bat izateko, bi langilerengandik jaso dituzten soldata-erreklamazioak azaltzeko, gastu igoera handia ekarriko baitu. Osoko Bilkurari bileraren emaitzaren berri emanen zaio.

- Udalbiltza.

Batzarreburuak adierazi du dagoeneko Batzarre Nagusia izan daitekeela orain arte udalak soilik biltzen zituen erakunde horretako kidea; bailarako udalekin bilera bat eginen da, informazio hori helarazteko eta lankidetzan aritu nahi den ikusteko.

HAMARGARRENA.- GALDERAK ETA ESKEA.

Ez da galde-eskerik egin.

Eta aztertzeko gai gehiagorik agertu ez denez, bilera bukatutzat eman da goien adierazitako eguneko hirurak eta hogeita hamar minutuak zirela. Errandakoa jasotzeko akta hau luzatu da, eta nik, idazkariak, egiaztatzen dut.